

至正四明續志

四明續志卷第十一

集古

按宋乾道志叙云制置張公津首為郡志有曰明之為
郡在古為餘姚之墟在漢為會稽之境逮唐武德中即
鄭置縣開元中即縣為州山有四明洞有黎洲有孫吳
公見之於賦有梅僊虞喜之所廬有任奕董黯之人物
有王密房琯之德政有康憲錢公億之墓有刑國王文
公之祠其他山川勝槩章章在人耳目者未易縷舉以
故搜訪遺亡以補四明之故事也州城內古跡七今略
其所不存而昔其有遺跡可攷者焉

蜃池或曰郡蛟池在郡治之西北隅故老云嘗有蛟自江來窟於此人患之故其旁立飲飛廟以鎮之按寶慶志載城中既有日月二湖又鑿此池潄水以備旱時已稱居民所侵堙塞無幾距今又一百餘年民乃建僧庵于池上繚以廊廡內設石欄甃砌以沒紙成一小沼而已

鎮明嶺在縣治南一里三十步上有佛亭宋天禧中太守李夷庚以州無案山故累土為阜高數丈名曰鎮明嶺蓋因舊而增之非創為也其後往來者憚於登涉日削月夷今已為平陸矣

董孝廟碑大曆間刺史崔殷記徐浩書昔與唐刺史
王密德政碑李舟文顏真卿書李陽冰篆額並傳建
炎兵火石已斷缺今所存宋食判韓嘉重刻

王荊公讀書臺宋慶曆七年王安石宰鄞邑時所築在
今廉訪司分司北僅存遺址積瓦礫成阜四向悉傭
為菜園

奉國軍節度使彭城錢公碑銘崔仁冀撰碑已無存而
乾道志載其文

石延年古松詩石刻舊淪沒於平準庫荒棘中後紀至
元間府判齊讓移置府治之廳側其詞曰直氣森森

耻屈盤鐵衣生遊紫鱗乾影擬千尺龍蛇動声撼丰
天風雨寒蒼蘚靜綠離石上絲羅高附入雲端報言
帝室掄材者便作明堂一柱看尚書樓鑰有跋語云
吾鄉郡後事官舍尤有籌筆驛石刻慶元己未鄧推
古汴趙師受字致道又刻此以配之

桃源洞在今帥府後園之北宋時舊有池亭樓觀悉建
步廊雖雨雪不妨行樂兵火後盡廢僅有荒地人猶
名其地曰桃源洞云

奉化剡源九曲溪一曲

六詔有晉王右軍祠

二曲

溪駐有吳越錢王祠

三曲

兩湖有石壁小巖谷

四曲

溪有寺慈隱寺

五曲

三百有冊山洞天宮廟寺

六曲

羊者有上來寺

七曲

斑溪有報本寺

八曲

高臺有宜實寺

九曲

公案緯植書此

四明慈溪縣重建二橋記

王說

慈溪直縣之南橫亘大江有二橋其東曰駝馬者唐相房公琯之始建公嘗為御史出宰是邑因名焉紀其迹也歲祀浸遠規模略存圯而不完行者病涉易復廢敗邑人告勞績是之虞其耒且父治平紀號之三載祕省于君來治于是與尉畢君同心協力共成善政興利除害知無不為蒞事之明年有邑民如顏霸等數四造度狀斯橋之壞久不加葺即有揭厲之憂力將繕完衆意咸若二君嘉其誠之至固然其請命工之目且與其謀曰朝派上下波流迅急而橋制促狹往來艱隘每船觸衝尾波往塵而不通而又梁

木暴露易以隳頽今將徹柱以避湍悍饜室以庇風雨
使方舟而濟皆無頽之刻阻駢車而渡皆免燥濕之患
既安且久斯為便利授以機智不日而成起孟夏興作至
仲繩歌工告畢焉維麗乎駕長川井邑於是改觀江山
為之增氣其西曰大寶者因山為名制作非古淺亦圯壞以
其美材易而新之從民志也噫前世作之以為善利
後賢重之以成大壯則知萬法之變踵其事而增其華
亦如是之無窮也又況因樂輸之民以圖永久之利非
能政者安可議哉且除道梁丘明書為美談乘輿濟人
孟子謂之不知政今觀二君之用心比之古人無愧矣

李陸二公祠堂記

閔杞

東平呂君猷之為鄆主簿之二年新錢湖之六隄屬節
度推官石君聲叔刻辭以紀其詳而又致迹其初不忘
前人之功俾揭示來者乃立李陸之祠于其隄之傍始
唐天寶間縣令陸公南全開湖之廣為淳蓄灌浸之饒
歷宋天禧中太守李公夷庚補其舊之廢址增築全固
經畫以制使數鄉之民雖大暑甚旱而卒不知有凶年
之憂二公之功及乎明民可謂深且厚矣然而民之安
饗其利無歲時之報是亦忘前人之施歟況於其法入
且祀之夫民莫不樂生而安業惡勞而就佚朝廷責任

於守宰者不獨愷悌其政亦將資以深思遠慮厚其生
殖物物各遂其養故風俗美而禮誼行田里安而獄訟
息予觀循吏之治有功德以加于民者必久而見思蓋
以功則安而久以德則服而化雖相去數百年猶想仰
其風采豈不盛哉孟堅謂黃霸等廉潔然庶幾有德讓
君子之遺風則二公之烈祀之而無愧焉若呂君之座
奪于衆多之議而卒就其功又能表二公之祠以勸于
後他日明民之懷思亦足以繼二公之賢故予爲之書
而不敢讓治平元年四月初三日記

鳧磯驛記

周鐸

鄞江盤亘百里東極于海自西隸而南支分股裂橫貫
慈溪過是復合非惟絕風波之險而乘潮上下水輒彭
湃朝昏之間鳴榔相屬蓋未嘗頃刻間也邑之南有驛
曰鳧磯實居其濱四方之人自越而至鄞者必過於是
而鄞之將迎者亦至於是也故歷數百年而基址猶在
予觀其榜乃唐丞相房公所書又觀其基則已不復見
然字體閑放灑然無塵俗氣又其上有樓可以寄遠因
而寓佳興士大夫過此者必艤舟登焉睽田砥平野港
棊布柔烟竹霧互為送迎漁榔樵門自相向背一時風
景曠然在目若乃天垂晴碧山露寒青谷口雲蒸沙根

石出則鱗鳬欲斷鳴鴈相喧帆影乍回飛甌競集豈特
鳧之去來而已機臣略士愛日而激昂野客騷人臨風
而感槩孤臣孽子攬景以淒涼其或物外逍遙鳥中紆
服琴閑三疊蒸罷兩廂則必倚檻焚香臨流漱石水雲
相照魚鳥不驚顧眄之間所得多矣惜乎基之漫漫而
宇久不治置者多而弋者衆吾恐數百年之後雖鷗亦
不下鴈亦不鳴鳧之去來疇即其所昔王喬為鄴令變
乘趨朝帝惟其神速後之君子亦以鳧磯為故事者在
宰治有日吳人服其政寧以邑之餘財修廢補敝一日
有懷古之歎屬予為文辭不獲免乃畧其興廢之迹以

言之不足者歌于後將見此宇復完令民有攀鳬翼而
留者鳬之來兮日暉暉江魚發發兮秋正肥清波弄影
兮下雲磯行與僊人兮駕言歸鳬之去兮月團團雲淡
淡兮烟水雲古人已遠兮坐長歎樓高夜永空闌干

西湖記

舒亶

湖在州城之西南隅南隅廢久矣獨西隅存焉今西湖
是也其縱南北三百五十丈其橫東西四十丈其周圍
總七百三十丈有奇其中有橋二絕湖而過曰憧憧天
禧間直館李侯夷庚之所建也然僻在一隅初無遊觀
人跡性往不至嘉祐中錢侯君倚始作而新之統橋三

十丈橋之東面有廊總二十丈廊之中有亭曰衆樂其
深廣幾十丈其前後有廡其左右有室而又環亭以為
島嶼植花木於是遂為州人勝賞之地方春夏時士女
相為鼓歌無虛日亭之南小洲前此有屋綵數椽乃僧
定安守橋之所後沒廣今遂以為僧院壽聖是也其西
又有佛祠四并其東皆鄉士大夫之所居其北有紅蓮
閣太中祥符中章鄒公暉倅是州實初之有記在焉閣
之北即郡酒務故時使人即湖以汲水勞費甚乃堤湖
之中畜清流作樓於其上以輓轆引而注之至今以為
便然是湖本末圖誌所不載其經始之人與其歲月皆

莫得而考蓋寧聞之父老明為州潁江而帶海其水

而易旱稍不雨居民至飲江水是湖之作所以南引它山之
水畜以備旱歲始求之信也熙寧中歲大旱闔境取給
於其中湖為之竭既又亢為井置廬以守之鄴令虞君
太寧寧記其事刻石于壽聖院乃知父老之傳不誣也
錢侯去距今幾三紀矣而湖輒浸廢不治其亭南既堤
以為放生池潁湖之民又緣堤以植菱芡之類至占以
為田淀於無沒幾不可容舟元祐癸酉劉侯純父來守
是邦適歲小旱乃一切禁止而疏浚之增卑倍薄環植
松柳復因其積土廣為十洲而啟壽聖之閣以其名名

之蓋四明之景物具焉湖遂大治然其意初不在遊觀也古人於事蓋不苟作惟其利害伏於久遠難知之中所以後世貴因循者或莫之肯而好功之士至樂為之紛紛也明有數湖危於廢者不特是湖也若劉侯可謂有志于民矣故具論之以冠諸圖廢來者有考焉元祐甲戌三月記

淨土院記

陳瓘

明州延慶寺住持比丘世有講席以天台觀行焉為宗自法智大師知禮行學俱高聽徒心嚮繼其後者又皆得人今百有餘年矣間有苦行精修之士來依道場元豐

中比立介然修西方淨土之法坐而不卧以三年為期
期滿謂其同行比立慧觀仲章宗悅曰我等各據一室
成此勝緣後之來者加衆而室不增多今延慶西隅尚
有隙地若得錢二千餘萬構屋六十餘間中建室閣立
丈六彌陀之身矣以觀音勢至環為十有六室室各兩
間外列三聖之像內為禪觀之所殿臨池水水生蓮華
不離塵染之中豁開世外之境念處俱寂了無異緣以
堅決定之心以顯安樂之土所以順佛慈而報恩者豈
獨我四人而已哉所欲如是其可成乎慧觀等答曰以
無作任運之心作有為利益之事四明多檀信何患乎

不成自是日營月積更七寒暑凡介然之所欲為無一
不如其志者初介然燃乎二指誓必成此元符三年三
月落成之日設千佛之供復燃三指以增淨誓既成所
難成又捨所難捨而原其用心無私已之意於是見者
聞者莫不隨喜淨習之士踊躍欣慶而十有六室常無
虛位期滿者去發志者來依勝境西獲善利者不知其
幾何人也夫淨土之教古佛所說誠心之士諦受不疑
如來之叙九品以至誠為上上智者之造十論破疑心
之具縛縛解情亡識散智現則彌陀淨境何假他求若
臨明鏡自見面像得者不由於識受昧者何可以情曉

超識習而不惑度情塵而獨造者其唯誠乎故曰誠者
成也成自成它唯此而已譬猶清淨月普現諸水影像
非一月體無二攝沆散而等所歸會十方而摠于一亦
如十鏡環遶中燃一燈光體交參東西莫辨然而方有
定位非無西境名隨相立西不自西智與理融境將誰
執安可以在纏執方之見而測度如來無礙之境乎慈
恩有言曰凡夫業重處處生貪若不定指一方何以繫
心專注此善知識隨方扶教專護相宗然論安養知足
之勝劣則以偏勸往生為最勝乃知通人無恪恪則多
移境強習重蓋由觀淺心浮易往無人良以疑深障重

若欲盡除障垢當以決定為心濕新如山豆火能焚千
年闇室日照頓明釋迦方便至深無量壽說法無間觀
世音如母念子大勢至如子憶母古聖樣轍安可不遵
幻境虛無有何可捨解脫畏者不往安樂土普賢大士
親覩無量光親覩者初無動移不往者如是而往普融
無礙然後空假俱中分別未忘寧免權實互諍若此
則心安無日得忍何期乃知念念現前然後決不退轉故
曰若不決定成等正覺者我誓不取菩提於菩提心有
退轉者我誓不取正覺此乃法藏比丘之本願而諸工
善人之所隨學也發如是心行如是行起如是願趣如

是果不違法藏之大誓則寓迹于茲刹栖心于此室者
皆阿鞞跋致之士也其爲勝利豈有窮哉比丘介然唱
一善念四明信士應答如響而所以利益一方者其廣
若是可以不記其事乎今住持延慶明智大師中立法
智之曾孫也行業完實人所信服以誠心修淨土觀於
介然之事有助爲多故并書之大觀元年八月初一日記

天童山交禪師塔銘

黃龜年

黃龍南禪師受法於慈明傳臨濟正法眼藏叢席之盛
冠絕諸方一傳而東林摠得之東坡先生贊之曰巍巍摠
公僧中之龍再傳而泐潭乾得之無盡居士贊之曰禪

人過得香卓于它日鑪中莫負思又再傳而天童交得
得之穎川了翁贊之曰撥破黃龍第四關世人猶問生
緣法是二三巨公遍遊名社究此一事因緣非大善知
識深悟宗乘確然奇特為天人眼目詎肯筆端推重之
如此耶余大觀初寓四明招提見了翁贊語讀之偉然
又聞四方衲子爾足而至者歎慕畏服交口一詞詢其
宗旨所自未則曰臨濟兒孫是真端的者遂攜杖屨請
從師遊徐而扣之則崇岡峻嶺壁立千仞未足以喻堂
皇之峭拔也迅雷怒雷不及掩耳未足以喻機鋒之敏
捷也長江活流洪鍾巨響未足以喻辨才之無窮也是

真所謂大善知識者歟從遊久之因以遐想當年黃龍
叢席之盛而坐揖東林泐潭之遺風知師之門庭凜凜
其所由來舊矣師諱普交明州鄞縣萬齡鄉畢氏之子
自幼穎悟未冠從釋初住錢塘南屏山聽天台教觀因
修懺悔佛事遇道人於塗中忽問曰師之懺罪為自懺
耶為懺他耶若自懺罪罪性何來若懺他罪他罪非汝
烏能懺之師不能對歸詰南屏亦不能決遂憤然辭去尋
師訪道幾遍天下逮造泐潭泐潭知其為法器見入門
即訶之擬問則杖之使去師不從敢進一日忽呼之曰
我有古人公案要與商量何不自室中來師擬進泐潭

喝之師豁然有省呵呵天笑泐潭不下繩牀執師手曰汝
會佛法耶師以手托開亦喝之泐潭呵呵大笑而坐師
以偈呈曰若人問我解何宗一喝須教兩耳聾滿杓黃
蘘飽喫了生涯摠在鉢盂中自是機辯迅發學徒爭歸
之士大夫數虛實席以迎師悉遁去歸隱天童山掩關却
掃者八年偶寺闕主僧即僚邀師甚力遣介候於道師
不得適居之六年引退以宣和六年三月二十日沐浴
陞座留偈辭衆曰寶杖敲空觸處春光陰掣電猶曾聞
昨宵風動寒巖冷鷲起逗牛耕白雲擲筆坐逝俗壽七
十七僧臘五十八後七日開龕儼然如生闍維獲五色

舍利頂骨牙齒不壞以某年四月十日葬于天童寺山之西原師脩持清若行履孤潔正揚祖令灑落軼群鮮有能湊泊其機者凡見僧未必訶罵之曰柳標未擔時為汝說了也且道說箇什麼吹毛洗鉢招扇張弓趙州栢子靈雲桃花且擲放一邊山僧無恁麼閑唇吻與汝打葛藤何不休歇去拈拄杖悉逐之泐潭聞之笑曰要人如此悟解僧堂草深一丈去也師既得法於泐潭猶欲遍參一時號為尊宿者聞師至皆倒屣出迎必居第一座故雖為天童山主人矣而叢林至今猶以交首座稱之亦足以見師之禪望疇昔藹然不待出世而後道

行也嗣法者三十餘人雪巖泰誠香山彥文吉祥清逢
智門行潛茂椿圓應太平子瑄德圓道場山曇俊皆能
傳師之道闡揚于時以余知師最詳爰以銘文見屬義
不可辭乃銘曰西來誰露真消息教外別傳要端的黃
龍佛法付兒孫臨濟宗風本奇特珍重天童老古錘聲名
四海日星垂當年一喝獅子吼狐狸望風而避之直截
機鋒難湊泊摘葉尋枝何太錯滿堂龍象競交參側耳
唯聆師一諾虛空撲落水流東護塔松楸長舊叢龜毛
拂子三千丈光彩流傳大白峯

侏待制鄉飲酒置田記

王伯庠

西漢之末禮文散滅劉昆家屋教授每春秋嚮射以素
木瓢葉為俎豆黍弧蓬矢以射兔首每行礼縣宰輒率
吏屬而觀之東漢之興伏湛為司徒湛為人蒼猝造次
必於文德奏行鄉飲酒禮遂施行之二人所遇之皆所處
之位雖曰不同而皆為漢室名臣以是觀之人之能舉
行古禮於後世者非特可以化民成俗而天之所以報
施是人亦不苟矣二人智慮所及當兵火蕩析之後不
於錢穀甲兵之事而區區於討究禮文之末急其所緩
異於流俗遠矣所以終於宰輔貴極人臣者其識量深
遠故也四明自者有正歲叙拜之禮至紹興戊午而學

初成始行鄉飲酒禮益太守仇公名之也其後二年而公載鎮是邦酌今之宜倣古之制務從簡省上下下益以爲便公射鵝興諸生拜跪叙飲思以清白傳家捐自已之田一百有六畝歸于郡庠以爲每歲牢禮之費益明之學者自是歲皆得舉行盛禮明長幼尊人倫敦龐和輯之化由此具起則受公之賜豈有窮也開元十八年裴耀卿爲宣州刺史率州人勸遵行禮奏樂歌之至白華華黍由庚南陔之什言孝子相戒以養之義而州之百姓或有泣者耀卿以爲人心有感不可盡誣於是奏工其事乃命每州簡有性識之民習雅聲於大當仍付

琴瑟之類以為永式今公之於四明興建學校搜舉舊
典可謂有意於斯矣其視耀卿為不足多而上比伏湛
劉昆可以並驅而爭先豈不懿哉是不可不書以告後
人因以田之廣狹四至刊之石而使異日謹守之鄙人
欲牒之書故不敢已紹興十一年正月記

廣生堂記

朱翌

數文閣直學士趙公伯圭守四明仁質慈厚術智通練
府不生事野不見吏不外取不費出宿麥既登秋稼倍
常颶風駭浪不作海行疇宿席展枕安推臺誦公撫我
似邵父杜母乃復放生池於西湖仰祝無疆聖壽以廣

福院奉香火衆寓客月七日帥郡人挈水族合誦經呪
梵唄鐃鼓繼之湖脫砧几鼎鑊其樂宜如何銜懷恩施
口不能言耳又刻朝廷條禁列石湖四旁命住持處真
變滄洲閣後為堂供佛作證真戒律精修檀施効力堂
成乞名于桐鄉朱翌名之曰廣生且告之曰天地大德
曰生皇帝好生之德天高地厚大和陶育物物熙熙遂
性樂生長無夭折承流之吏仰体聖主大惠布之天下
是其職也亦公之本志也人君深居九重未嘗不歆薄
刑輕歛養視元元惟恐傷之然洽于民心使四海被實
德必良刺史能之推廣其澤故有大者焉儻一飯之設

臨庖下箸見其生有憐恤至誠不忍之心則於赤子其
有傷之者哉公悉乃心道上德意又留意於淵潛之微
使有夏之德見于咸若文王之德見于於牝宰臣之義
畢矢川流鱗游皆為壽視施者有常而報者無窮嗟呼
川增又豈有既乎乾道元年九月記

四明甬江樓記

呂祖儉

舶務東負郡城乾道之元監務事楊芾仲章建樓於其
上距今二十年而樓名未立且蕪穢弗治通守丹陽蘇
公實臨舶事暇日登城而望慨然覽其山川之勝而一
新之因命名以甬江謂其屬陳景度曰甬江之名舊矣

景迂晁公為船官時蓋嘗以是名其亭於江東也其記
具在今超然遺趾意其是歟茲樓與超然相望以是而
名庶幾衆賢存舊之意後來者猶有致焉謹再拜受言
叙其始末而刻諸石

遊候濤山記

予自十五六時即欲遍四方觀名山大川以開廣其志
氣蓋嘗浮江淮道閩浙赤壁之雄勝小孤之峭奇廬阜
之幽深閩山之清美松江大湖之空眇雲門若耶之閒
曠未嘗不徘徊顧瞻以擬想前人之遺風家於金華山
下雙溪依城以為帶暇時即與二三友攜筇挾冊入深

山中遇會心處或數日忘返得月則僕被出城棹小舟
聽灘聲蕩漾清景終夕不能寐憂患以來視此若非吾
事然餘習未忘猶欲覩大海氣以快其心目壬寅之冬
逐祿甬東距海六十里會友人潘端叔至定海簿因趙
檄郡言邑中候濤之勝歆相約偕往而未果今年夏四
月端叔因謝子暢自臨安至相與會于太白鄒山之間
已而入城復刻日以堅此約果不踰期而來康炳道兄
弟先往適以少故出閩差晚遂相會于王季和家季叔
潤方居敬繼至史丞相之幼子開叔及館賓楊希度亦
偕行略堯花渡出三港口十五里至黃氏塹風逆浪高

回旋詰曲咫尺尋丈距海既下遠非復江行之比操舟者勢不能平必匯實而後可三十里至馬子匯風勢尤逆而急舡上有竹片舟人云可鑽火驗之信然五十里至回鄉六十里至定海自午至申閱三時而後抵岸首特玉黃白幟來相迎者俄而復去蓋誤以為總管云按尚志定海蓋海壩之地本會稽郡鄞縣之靜海鎮梁開平錢氏據吳越間邑曰定海其地三方距海中微隆四面斜落如伏龜之形薄厓極寬潔主人於東廡具諸客供帳甚設舒元英與其徒諸葛生亦自大鹹來坐甫定即登候濤山距縣無半里山勢雄峻屹然獨立所以捍海

勢而立郡邑者也候濤蓋此山之本名特里俗所道不
一名招寶者耆舊相傳以山下有蚌珠得名或曰非也
外國大舶之所歷故謂之招寶側有巾子山踞峙海濱
亦少土多石不生草木徐步而進海氣漸潤抵覺天宇
豁然上有一小亭可以為寓目之地最高處有泥墩三
蓋海中以此為候望也端叔置上邑丞趙侯亦來少焉
暝色半山波光浸暗雲水飄浮極目無際須臾列星下
布月出天末諸客散坐山上酌酒長嘯心閒神適若實
身於蓬萊方丈間凌晨復輿二三友同登適當風怒
潮來之時銀濤澎湃天地改色如蹙雪如奔雷如馳萬

焉飛舞突怒搜抉搏啗奇變壯偉愈高愈劇衆皆休於
亭上獨與炳道兄弟及季和不敢愛其足力行二里許
至山盡處去海無十步天淵相接澗蕩淫液不復知其
爲人間世矣二日之將大暉如此猶恨未能究兩風晦
明之變以極其大觀又恨不能方舟縱浪於溟渤之中
與波升降而觀其沄齋四薄也是山前望小霍大霍二
山西出鮮浦東北望嘉門烈港閭之習於海道者云自
虎蹲山七里整至嘉門抵石弄涉洋山絕海螺礁又東
北過黑水涉黑山入高麗封域日本又在高麗之東二
國大舶遇南風則可發風甚順不七八日可至域下互

市之北直趨登萊沂密諸州想像其處使人惘然須臾
風色益厲海氣上溢不能久留也遂刻來者姓字於石
壁而去復還端叔之舍少憩即欲投宿育王寺時已申後
矣過清泉渡渡通海口平望渺渺風急水危幸不久
耳越塩場小決又渡長山復經蒲陳新澳行近四十里
始至寺中道遇微雨主僕皆有飢色寺有所謂阿育王
舍利塔及鰲井皆迂誕不經無足深信獨後倚鄧山若
可觀者亦未暇也初欲自是過太白山以皆欲歸遂止
為東湖之遊詰旦即行步至寶幢市舟過下莊石山繫舟
錢堰下日猶未中錢堰即東湖之湄也登岸休於史丞

相之舊居湖山在前若几案間物其廊廡位置大類括
蒼刺史治所特屋楹之數不又而已聽事之左曰湖山
勝槩久之與叔潤諸公循蹊而行遂至梅園林木棘茂
臺榭清深野色波光皆可坐致又縱步至月波山即史
氏所賜寺也中有所創石洞若天作地生之狀復還無
恙端叔開叔皆置酒因泛舟湖中風自四山而下掠菱
蘆而過潏潏有声俯仰其間不能捨去舟子亦解人意
放舟入深處三鼓餘月色始明回思往歲五雲樵風之
集恍若一夢捨舟登岸或從容於林下或客與於軒前
皆有明日隔山嶽之嘆東湖與廣德湖灌溉民田甚衆

廣德湖在西門外今廢爲田以其租入贍水軍東湖
存然久堙弗治希度爲予言向嘗居於東湖其東

地勢益東高西下而山澗皆在東父老相傳其別有七
十二今獨上水下水二派最濶水性就下自東趨西遂
以成湖其西亦有小山因兩山之間築爲六堰以防水
䟽爲三閘以導水堰之首自南而北一曰莫支二曰錢
堰三曰高抽四曰平水五曰梅湖六曰栗樹塘莫支之
水號南滄湖西望寒嶺倚周家嶼之中依山可以居居
人歆售其地而未有售之者三閘得之水多而不可先
啓者此爲最東南有二靈象坎隱學諸山及道人茅庵

甚衆希度又爲予言往歲甞大興工役以濬治之而不得其道去葦泥無尺許而復積於山間之隈是歲雖平望渺茫若可以奏功然未久葦泥復瀉注於湖中茭蘆叢生堙塞尤甚有爲買葦而運諸海之說者其利害亦未甞詳也自東郭還城過鄭郭亦不能訪其遺跡還家曰已莫矣是行凡四日始戊申訖辛亥希度名篆家於慈溪元英名珙家於奉化叔潤名泱括蒼人今爲鄭簿李和今爲四明船官炳道名文虎蔚道名文豹久從先兄游自金華來遊名山亦會于此今俯仰始一時而端叔之臨安季和之嘉禾叔潤之太未元英還奉化炳道兄

第還金華希度亦還慈溪雖欲再為此游不可得也記之短編遺之同志尚庶幾不忘端叔共載游勝之意焉

蓬萊觀藏記

戴機

道家觀經藏聚書而藏回旋八極普濟群動未易窺其端倪也蓋道判於希夷人含冲和之氣以孕形毓質終身由之而罔覺一念顛錯天理戒蕩其報至於流轉三洞漂沉億劫粵有大真人在玉清宮中怡神靜念哀矜衆生乃宣演秘法警世度人津梁今古此玉笈雲錦之囊所以闡元虛之妙也然真筌精微篇章浩博不能徧閱爰探元機於混茫俾大巧之制作炳為鉅藏盡取其書

以藏之呵護之以威神旋轉之以軌軸珠纒景緯森列
手上乾樞坤根運轉手下琅函象籙囊括手中法輪一
轉出顯旁達運之不窮索之無尽吁人之齊心肅已清
晨持誦不過一二通而怠惰已生今靈規旋運俄頃間
不待披玄閱紫府之儲而千聖下臨萬法俱會故能整塵
境之有情咸知敬仰諸望盡滅一真湛然風休手憇障
而川至手福祉信哉道果之淵深廣博也鄞城西陂湖
千頃中峙一山屹然如瀛洲方丈在滄溟是為望春其
間有神龍隱見吳雲作雨山之巔道士結廬以煉形養
性世奉香火紹興中因望霓應禱太守莫公有請於朝

賜額爲蓬萊職觀事者屢更惟童思定真實不忘致意
興造自是殿宇廊廡寔寔琳宮瑰館矣是地無膏腴一畝
而客衆數百指思定念粥魚齋鼓不可冷落乃欲建輪
藏千觀西歲未就而思定羽化其徒胡志清操履尤
愬戮力募緣方懼力不能辦邑擅郭保義郎屬斌慨然
身任是責觀之神人又作奇夢以感動之其志益堅經
始於淳熙之戊戌而落成乎辛丑之孟秋糜金錢一萬
緡歲經五千四百八十一卷金碧輝映四境瞻礼有禱
立應施利日廣黃冠羽服濟濟然袂之聯也厲又樂捨
良田百畝因是傑然爲鄧之名觀嗟夫天下無難事也

精誠所感雖九鼎萬鍾盥手可立辨也志清一日叩吾
廬焚香煮茗從容以記屬余余家齊通蓬萊諗其事為
詳豈得自然淳熙辛丑七月記

淨慈寺記

沈端憲公煥

奉化縣治之西六十里有佛宮焉按圖志唐乾符六年
所建院有故籍又謂始於石晉天福五年它無考證然
自天福庚子逆數而上適周一甲子圖經流傳不慮無
據院初號仁王其錫名淨慈者本朝治平二年也淳熙
戊申里之父老走告子州曰淨慈為剎實明越天台三
郡田夫野婦遠近老穉奔走徼福之地山無常產而地

子朝晡稻蔬之供未始告匱者實賴山王陰率潛化若
有人從空中告語相勸導者凡粟米豆麦布帛絲麻薪
炭菜菓隨闕而應不求自至傾囊倒囊倒負擔挾篋囊
聯號呼累累而來捨其有而求所欲無不響答比年主
丈至者行業不爭待祝弗應里多疵癘人心累驚願更
擇有道行者居之以安妥尉山靈而加惠一方邦君吏部侍
郎岳公從之悉召州之名剝育王天童而下十有六主
首俾通選一人得令住持師宏臨江人嗣法佛照禪師
始至周視庭宇喟嘆荒蕪衆相與畢力支傾補隳規恢
隘陋甫期月百堵徐興法堂靖嚴以祇演佛事僧堂奧

敞以休處朋徒旦過接待之寮闢而新之以安適來者
度僧有庫會浴有室鐘魚震響草木葱茂叢叢林規制
大畧具休宏師以來書乞訖其事余觀人之一心精誠
所達雖天高地厚豚魚細微金石無情有感必通况數
椽之與廢乎是心苟存鬼其相之矣雖然天下之事其
將興也責於己求於心其將壞也聽諸神歸諸天古今
一軌宏師能克此心不倦則道俗丕應興起法席蓋未
艾也不然徒日燃熏龕供而神不我孚吾恐山王去之
遠吳書以遺之使刻之山中若夫自漢以後佛法入中
國四民風靡競求福利上之往往多倡導之其來已久

豈特一淨慈而已哉民生不及三代遠甚其本安在哉
師不求余言姑置勿道獨識其所以振作頽廢之槩如
此紹熙改元八月記

雪竇山錦鏡記

樓鑰

雪竇山名天下自下而升至絕頂始平曠四山又環之
寺據正中氣象雄秀而二水不知所從來出山之兩腋而
會于前徑赴大壑峭石削立險不可測崩空落崖飛雪
千丈洞心駭目勝絕一方此山之所以得名也錄古以
未登覽之士不知其幾眩於創見何暇擬議紹興甲子
郡太守莫公將來游乃始發妙意於萬象之表謂水去

太丞屬寺僧以田為池使二流匯其中寬納而緩出之
則寺當少利有詩云能廢千畦渟玉雪不妨飛練挂丹
梯讀者題之而四十餘年十易主人盛脾睨以為難渟
熙十一年足菴鑒公禪師既至百廢脩舉取莫公之說
斟酌之八月己未遂興畚浚池深一尋從四百三十尺
廣泮之半築隄西南以便往來因橋為閘視水漲落而
開縱為明年十二月庚子池成漪漣拍隄渟淡如拭千岩
倒景空明相映禽魚上下咸有喜色問名雪窻張武子
良臣武子曰是所謂淵林錦鏡者也遂以錦鏡名而諸
余記之余不能習陰陽家言然通天下一氣耳山如人

之定形水如人之脉絡或滯或泄當適其中池之未作也水若建瓴山之氣與之俱逝而不留及其既積則淑靈之氣得以扶輿磅礴於茲矣維自今其必有卓然超轍之士深藏若虛出於此山呂振祖風者豈惟利而已哉曩嘗一再遊焉間久不雨水僅相續蕭索輪囷固自不惡惟雨暴漲尤為壯偉可觀願安得每每如許及今過之既坐亭上徐徹之版水則大至怒濤迅雷凌駕震疊素蜺萬數哮吼而出真天下之奇觀也始余見寒莎野卉紛駭相應少焉覺兩崖石壁亦為之低昂不已非親至深曠而駐觀者不足以知此莫公止謂不妨飛雲

之勝不知此池之成閼機闔開乃大有功於瀑泉也足
菴傳洞下心宗精練刻若等慈接物法施不吝所向傾
動緇白數主廢刹皆立興之晚生道場年踰八十適丁
適丁歉歲艱食之餘他人之支傾補懷猶懼不濟乃於
談咲成此勝事外不以求諸人內不以費於帑傾囊倒
篋一力為之信大有過人者是役也僧德宣實相其事
妙有智思規畫多出其手又得信士單承亮割膏腴以
補田之費因書之以補來者云

友恭堂記

洪邁

友恭堂者鄞江汪氏所立也汪望于歙宗家幾十室而

九至於處鄆則由正奉公始大公用文學行誼表儒先
數隨計偕訖弗售晚以經授井邑從之游戶外屢滿豐
滴不施天寶開二子聯翩奮白屋策高第念平生辛苦
每約老去歸休必同居殘昔賢風雨對牀之樂蓋豫名
其堂已而雙立朝講讀諸王邸 高宗優位少君以舊
學擢郎天官不幸早世長君獨翔翔宦涂握鄉部使者
節齋貳大府稱一代名鄉用未渠究不能媾合時宰裒
手家食歷年多遂得償夙心考卜西湖之上四子十孫
奉先志架薦仲子尚書公入從出藩單俸稍所贏益屋
且百間糾集群從春秋伏臘敬榮整愛中外怡怡簡簡

迨女婦妾僕無一噴言家風翕清四遠羨喑歿瞻斯堂
若挹蓬嶠謂予託契同年命之記顧年衰筆頓思與願
橫而侔來自東緒請至五六終墨墨不可乃耶其突而
書之嗚呼人非父母不生活由父而降親莫兄弟如也
天生羽翼分樊牆而爾汝之得乎弟弗念天顯不恭厥
兄兄不念鞠子哀那友于弟聖人之戒如此田氏骨肉
倉卒分青天向日摧紫荆上穹之陰如此彼顧已顧妻
子廢忘天倫直禽犢而冠耳然則朝於是夕於是父基
而子肯堂為世準的其有功於名教為何如哉歐陽公
美海陵許氏孝弟者于三世以為凡過其園者望其松

竹登其臺榭思其宗族自一家而形一鄉由一鄉而推之無遠邇予謂斯堂則然予與尚書公知聞閱歲四十九投分為最厚每一相逢歡其日進乎道特棋奕一事如寸彎強弓與初時不小異亦見其居心無競益足章章甚盛德云公名大猷字仲嘉未老即謝事恩及諸房今直敷文學士而太府密贈少師紹熙四年八月廿二日煥章閣學士宣奉大夫提舉隆興府玉隆萬壽宮魏郡開國公食邑二千五百戶食實封貳伯方戶鄱陽洪邁記

余少傅祠堂記

應係

孟子曰頌其詩讀其書不知其人可乎是以論其世也是

尚友矣蓋嘗三復斯言以謂士為學之要於是乎在晚
生末進不及見前前輩而親炙之嘉言善行得於長老之
所傳誦固當拳拳服膺是桀是矧然所在校庠尊慕儒
先必相與繪像而祠之豈不曰高山仰止之誠非此則
無所寓乎邑在大海中相傳為安期生黃公所遊其地
多山澤列僊之儒少傳余公以力學為行尤為鄉里所
推敬至今耆老猶能道其遺事蓋公孝友出天性能為
人所難能闔戶窮經為詩文有古氣邑宰王侯存之天
下奇男子也方老秦當國嘗上書乞斬檜一見公意氣
相傾倒為文字交其趣孫可知邑自折置以來廟學綿

未備韓侯畫銳意作吳聚邑之子弟而教育焉

大夫聘致杜先生故事具禮延公以為諸生楷式其淑
艾甚衆于斯之時宮牆有血邊豆有芼士講習息游其
中彬彬然有鄒嶧鄉射之遺風公業詩三章章八句以
美韓侯有曰海邑幡然為魯國諸生何以謝文翁人久

能誦之且曰學之具也匪韓侯之賜惟余公之功
公厚施不食其報餘慶所鍾是生聞孫實惟今資政殿
大學士參政公參政公既坐廟堂為天子報政大臣遂
贈至孤棘之貴逮奉詔開闢里門大闢庠序之詩會邑
宰余君詣廟曰事問訊鄉教今何如宰君頓首曰桂受

任之始伏謁政廟下言提其耳謂斯學也實王父舊遊
長官幸垂意挂奉教承命唯謹不敢不盡力今具葦且
特竣事敢具以白於是斥緡錢昇宰君佐貲不靳學以
一新邑士詠歌師帥之德咸自矜奮重有感於儒先之
思乃議建少傅祠於申義堂東序與宰君意合像設歲
成宰君率邑之士以淳祐元年夏四月己未朔釋菜于
先聖而后妥靈焉嗚呼今之所謂儒先非昔之為士者
乎今之蟬冕黼裳非昔之逢掖其衣者乎今之春秋祀
嘗非昔之相祀于庭者乎表之曰鄉先生前直學少傅祠
予以昭舊德起新敬也瞻仰跂慕悠悠我思盍知所以

自勵矣乎且人以貌然之身中三桎而立貴而爲士尤
當自愛在昔余公但知爲學力行尽其所以爲人爲士
之職分而已不求知於人不望報於天下斬尊顯於後
世人自知之天自報之後世自尊顯之皆非余公之所
願也士乎士乎亦盍思所以自愛矣乎宰君書來請記
其事于石敬誦所聞以慰學者尚友古人之意少傳諱
滌字元發

廣平書塾記

王應麟

乾道淳熙間間正學大明朱子在建張子在建潭呂子在建
陸子在撫學者宗之如日月江漢光潤所被皆爲名儒

於是明有四先生其一曰廣平先生文靖舒公光生之
學講于張而成于陸考德問業于朱呂心融神會精知
力踐其躬行有尚綱之實其誨人有時雨之澤沈素揚
三先生道同志合化東海之濱為沂泗位不配德而教
行於鄉声聞於天下淳祐中貴以易名先生有孫某明
經世其學晚始對策集英典教象山縣庠退而紬繹書
啓迪後昆惟昔先生嘗題戶冊曰廣平書塾游於斯講
於斯群衆聚辨於斯先生沒門人敬事不怠肖象祠于
塾迺適追先志真歸堂序帥子若孫暨宗族之秀朝益
莫習春秋舍采先聖歲時朔望謁祠齒搢講說冠屨翼

如誦絃誦如某聞而歎曰古道廢幾復兵虐古者士
有常心家無殊俗八歲入小學十年就外傳二十五家
為問問有左右塾里中之老有道德者為左右師灑掃
應對是謹詩書禮樂是習孝弟忠信是脩蒙養豫教薰
陶涵濡是以人有君子之行士之于常為士漢唐之盛
流風猶存經生守家法世族重宗譜子弟彬彬多賢然
金蠶之誘城南之勸識者謂誘以祿利非天爵之貴惟
我國朝師道之立上接鄒魯家宰所降之德司徒所教
之倫父兄訓詔必是焉先其脩于家者若睢陽戚氏世
德之父南豐曾子稱之若墨莊劉氏忠厚雖睦之風不

墜朱子墓次其家傳可爲士族法今文靖之孫亦服祖訓不違若稽家有塾之誼紹衣德言弗佚前人光用淑艾子家庭我有喬木殖德培之我有嘉苗種學楸之詵詵胄子在斯塾也于牆于羨如見先哲必尊德性必求放心皆定晨省入孝出恭無非教受業講習復計過無非學張子序孟子說曰爲己者無所爲而然者也陸子講魯論義利之章曰學者當辨其志是訓是行服膺勿失因二先生之言得文靖之心百年如一日也國人稱之文靖之後世世有人焉豈惟一家之光一國之仁遜將自一家始詩曰有匪君子終不可諼兮又曰維其

有章矣是以有慶矣文靖有焉子子孫孫勿替引之後
之人其懋哉

桃源世譜引

王應麟

昔聞之東澗湯公自契敷五教而人倫始明是以學問

淵源在商湯學于伊尹高宗學于子箕盤曰仁曰誠曰學

皆自商始箕子以之陳洪範傳之正考父校名領以耶

為首而聖王之傳恭可見至夫子而集大成蓋湯氏本

殷氏故東澗之言云爾戴氏出宋戴公亦商後也盈之

不勝見孟子書譙國有達居於剡川明之有戴豈其苗

裔與余觀桃源世譜第進士者六人機梓得之特科二

人名薦書上禮部者踵相躡也詩書文獻之淑孝及淳
實之氣棧表沈諸老先生稱述詳矣若甯齊太府鄉壩伯
仲接武儒科先後持節將漕為衣冠光顯彼黍離離
故家與國升降雖然義理在人心萬古不磨綱常在字
宙億世不泯伏生申公高堂生之經學士不以秦而賤
萬石君家之孝謹魯兩生之節操俗不以秦而薄言良
貴者不以人爵言不朽者不以世祿脩其在我而已世
有升降道有隆汙紹聞衣德言各敬爾身弗過佚前人
光呂成公所謂素風存則凜凜乎若奉槃水而涉春冰
晝誦夜思無忝爾所生可不懋哉因書以遺戴倩泳其

纂乃祖爲無數

貞逸閣記

子王子自柱下史免歸爲司曲山祠官夏日憇北窓夢遊其處一道士延入精舍凝塵滿席唯有道德經一卷緇首章問焉道士曰無者感而寂未嘗無也有者寂而感未嘗有也願也晏也以有無言道而道隱矣且子不聞華陽隱居之詩乎架上取梁書傳讀之至夷甫散誕平叔談空之語灑然悟曰列僊之儒知道若隱居鮮矣古之博大貞人月晦是也而誕者非真言中倫行中慮是曰送民而空者非送爲誕且空者謂萬有皆無獨以執

利為真有而身殉之邪說波流變華而夷極于梁而後
止易曰知幾其神乎隱居有焉世以隱居比子房蓋有
經世之學者為能遺世而立於獨蟬蛻滓濁不以富貴
纓其心寧數曳尾之龜而不覲驕餌彼謂山中宰相者
陋哉言未既遽然竟起至戶外有黃冠未謁縣其刺壽
聖觀石宗玉也進而言曰觀在寶龜寺山隱居傳云寧詣
鄒縣育王塔自誓受五大戒是山蓋寧將息焉今新三
層樓放忠永元舊築上曰貞逸以奉肖像傲松在其中
伴雲在其下儲清聯蓬軼埃風而凌倒景恍如金陵華
陽之天與三茅君拱揖不知猶吾鄧也寧聞故老言五

邦山遠水秀紳僊攸宅鄧大里黃公茹芝肥遯者也鄧
之東有梅山于負辟世之地也梓海至翁洲安期生之
遺蹟可尋也樓上松風謾謾如聞吹笙声意者隱居乘
飛車羽輪從二三子期汗漫于九垓之外其亦樂於斯
乎頌紀其事與山石無拙于王子謝不能因語以夢遂
筆而為記

越大夫贊

吳夫椒之戰春秋不書以其後父讎也越之報吳不可
謂義戰雖然古之善謀國者以弱為強以亡為存必有
素定之畫方勾踐之棲會稽也大夫種實始獻謀約辭

行成玩吳於股掌之上而受其炆施張闔闢終以沼吳
春秋外傳載諸稽郢之辭命鏗旬炳耀似晉呂相鄭子
產益種為之真奇偉之士哉史軼其傳未有言其州里
者余讀呂覽高氏注大夫種文氏字會郢人開卷訢然
知郢之有人勾踐之地東至于郢郢僻在海隅自大里
黃公以前未聞達者而大夫挺出特起為郢人物之冠
見三復晏歎尚論其事世多謂大夫不能從五湖遊異
乎見幾而作遂謂種不如蠡吁君子制行不必同同于
義而已保身義也致身亦義也種蠡俱逝君誰與守蠡
楚人可以去越種也越人悽悽遲遲不忍去父母之邦

忠臣之志也。韋以漢事喻之。蟲為子房而僅免種。以鄼侯自處。鄼侯微王衛尉一言亦殆矣。功名之難居也。若是句踐殄滅。謀臣如弁髦。土梗彼衛國之語。不誅而復用之。君子是以知越之不為盟主也。詩所謂不承維奭。其句踐之謂乎。世不訾句踐而疵種過矣。余閱種之不能擇君而悼其不終。鄉使種也。如吳之子游。北學於中國。沐聖人之教。成之以礼樂。必將致其君於齊晉之上。用周禮易。夷俗自同于諸華。功烈不在管仲。咎犯下矣。若種者。才智之士。未及道德也。昔子蘇子論范增亦人傑。余於種亦云。夫齊人猶知管晏。鄼不知種。可乎。迺為

之贊以俟績即業者擇焉

智哉大夫鵬鵠海瀕洲謨石畫為越良臣處女脫免神
機歎張淦會稽耻于禹有光于嘆鳥喙賊良忘功室既
鎮夢覺梓匠弗庸彼脂膏者自詭明哲謂不如螽蟴謀身
之拙工於謀國匪曰為身論士實愚不以死生出者難
將處者易持卓矣黃公巖居茹芝蟻樽溝中木鴈兩失
鄣水泱泱我思奇傑

與樓郁教授書

王安石

安石竊邑無狀每自隱度宜得罪於賢者敢圖不遺辱
賜手筆而副以褒揚之辭乎此乃重某之不肖使不得
聞其過惡而非所以望教誨之道也是下學行焉美
信於士友寤居海濱自樂於晏空之內此某所仰歎也
與王致先生書

先生足下某久不見顏色傾渴無量蒙賜手筆存獎尤
過新將頗慰民望固幸甚足下無事於職而愛民之心
乃過於此可以為仁矣他留而陳忽忽不謹

豐清敏遺事叙

朱熹

仲尼亟稱於水曰水哉水哉其詞約而旨微矣而孟子
論其所取之意乃直以源泉混混不舍晝夜盈科而後
進放乎四海者言之非其深造默識有以得乎聖人之
心孰能知其所說之如此而有志之士歆有為於此世
者又豈可以不察乎此而先立其本哉然自聖賢既遠
道學不明士大夫不知用心於內以立其本而徒視其
意氣才力之盛以能有為於世者蓋亦多矣彼其見聞
之博詞令之美論議之辯節槩之高一時之間從其外
而觀之豈不誠有以過人者然探其中而擇賁其實要
其久而待其歸求其充然有以慰滿於人心而無一瑕之

可指者則什伯其中未見其可以一子數也嗚呼若禮部尚書縉雲清敏公者其真所謂有本者歟觀其平居假日所以治心養氣而脩諸身者蓋天下之物無足以累其志是以爲子則孝爲吏則廉進而立乎本朝則上自宗廟以及人主之身內自禁掖近幸之私而外及乎朝廷卿相之重知無不言言無不盡蓋有當時法家拂士所爲低回遷就而諛詞以幸濟者公獨正色誦言無少顧避退未嘗以語乎家而其計慮之明諫訖之切所以不諧於時而卒驗於後者乃反因滌文巧詆之筆而後顯及其出而賦政于其外退處於鄉以至流放轉徙

於荒寒寂寞之濱而遂奄然以授其世則其所以處乎
巨細顯微之間者又皆清明純潔而無一毫之歟是非
所謂原泉混混而放乎四海者耶孔子之歎孟氏之言
於是而益見其不我欺矣熹愚不肖生長窮鄉聞公之
名而鄉往之久矣獨恨未能盡得其行事之本末前年
公之曾孫中散夫夫熹持節南來亟往請焉大夫公乃
出是書而遂以其序見屬熹不得辭也因次是說以附
于章貢李公跋語之後雖於公之懿德剛行剛毅大節
無能有所發明然使讀公之書而仰高山行景行者知
循其本而用力焉則亦世道人材之一助而非獨

氏之私也大夫公清苦廉直勤事愛民屢為刺史二千石入居卽省皆有顯聞然多不得久於其官盖有公之風烈云紹熙二年夏四月記

與沈叔晦書

示喻兩塗之疑足見省身之求善不自滿足之意警發多矣自推媮惰何足及此况又未得面承事理之間亦有難喻度者何敢容易下語願以不鄙見厲之厚竊以所喻思之恐所謂聞道讀書者皆救病之良藥也但未知其所謂道者何道所謂書者何書而所以聞之讀之又如何用其力爾區區更願審扣其人以究其說而決其

是非政使其說未必盡是而因此講求同異之間自可
以見真是之所在向後用力則以前日躬行之實充之
且不患其不勇也大抵近年學者求道太迫立論太高
往往嗜簡易而憚精詳樂渾全而畏剖析以此不見天
理之本然各墮一偏之私見別立門庭互分彼此我使道
禮分裂不合不公此今日之大患也不識明者以為如
何子約為人固無可疑但其門庭近日小有變異而流
傳已遠大為學者心術之害故不得不告口耳近日一
派流入江西蹴踏董仲舒而推尊管仲王猛又聞有非
陸贄而是德宗者尤可駭異所欲言者甚衆甚衆

攻媿先生文集序

真德秀

鄆山參政樓公攻媿先生文集一百二十卷建安真德秀伏讀而嘆曰嗚呼此可以觀公立朝事君之大節矣蓋公之文如三辰五星森麗天漢昭昭乎可觀而不可窮如泰華喬嶽泄雲南雨巖巖乎莫測其巔際如九江百川波瀾蕩潏淵淵乎不見其涯涘人徒見英華發外之盛而不知其本有在也慶元初韓侂胄除知閣門事忠肅彭公力諫詔改洗胃內祠彭公子邵公在瑣闥極論之云去者不復侍左右留者召見無時終不能遠將仇胃之惡未着也既而竊弄國柄以黨論尽錮天下賢士

批虜弃盟中外騷然天下始服公先見朱文公侍經筵
內批予祠公持其命不下當今人望儒宗無出熹之右
者奏雖寢然當和說充塞之時首倡學者共尊朱公後
卒賴其言而學禁遂開道統有續然則觀公平生大節
而後可以讀公之文矣公生於故家接中朝文獻博極
群書識古文奇字文備衆体非如它人口狹僻濫以一
長名家而又發之以忠孝本之以仁義其大與冊大議
論則世道之消長學術之廢興善類之離合繫焉方淳
熙間鴻鵠滿朝每一奏篇出其授據該洽義理條達者
學士大夫讀之必曰樓公之文也一詔令下其詞氣確

揮筆力雅健者亦必田接公之文也於乎所謂有本者
如是非抑公既齟齬仇冑之鋒退居却掃者十有四年嘉
定初起為內相俄輔大政向來儔輩凋落畧盡而公巍
然獨存遂為一代文宗某竊嘗論南渡以來詞人固多
其力量氣魄全可與全盛時先賢並驅惟鉅野李公漢老
龍溪汪公彥章及公三人而已念昔校藝南宮白事東
府或請言竟日或極論達旦德秀退而書紳終身誦之
其所以猶為當世善人君子所與而不遂為塗人之歸
者公之教也公季子治以集序見命某何敢辭

慈湖先生行述

嘉定初年先生以秘書郎召某備數館職始獲從之將
見其齊明盛服非禮不動燕居儼恪如臨君師葺功之
戚下泊總麻服制喪期一以經理為則而容色稱之平
居接物從容和樂未始苟異於人而清明高深自不可
及同僚有過微諷潛警初不峻切而聽者常愜然一日
見謂曰希元有志于學願未能忘富貴利達何也某恍
然莫知所謂先生徐曰子常以命訊日者故知之夫必
去是心而後可以語道先生之於某可謂愛之深而教
之篤矣惜某時方繆直禁林役役語言文字間故於先
生之學雖竊一二而終未獲探其精微憂患以來粗知

向道思欲一扣函丈求其指歸而不可得矣嗚呼先生已矣其復何所據以為進學之地哉

慈湖訓語

慈湖先生之道學者所共尊顧當側聽諸公問或不能無竊議者謂泯心思廢持守談空妙畧事為也今觀正夫所錄有曰無思甚妙思之正亦甚妙又曰徒思固不可為學不思如何是學然則先生之學其果泯心思耶曰學未純熟不學廢守又曰敬以守之於意態未動之先守定用力自然光明先生之學其果係持守耶至於言道以本心為正言德以直心為主則其為論至乎實

既與談說空妙者不同而於當世之務討論區畫若指諸掌又非脫畧事為者是四者既皆異乎所聞至其為說有曰成身莫如敬書曰欽曰敬曰謹曰克艱曰孜孜曰兢兢曰勤恤三五盛制君以此命臣臣以此戒君蓋灼知不敬則此心易動敬則此心不動此心微動百過隨之此心不動常一常明嗚呼斯言至矣非正夫之心與先生通貫為一豈能傳之簡牘不失其真哉然則先生之言固有功於後學而正夫所錄又有功於先生者也

純仲近日不倦讀書否此事不可緩究心於此當自知之若務高論謂學者功夫不在書策子路嘗云何必讀書而夫子斥其佞書其所可廢哉此在和仲倡率之則令弟晉從之矣賢昆仲朝夕欵聚漫漶磨礪有日新之益此乃兄弟為朋友也甚善甚善更宜日課一經一史尤佳學者但慕高遠不覽古今最為害事子路曰何必讀書然後為學夫子曰是故惡夫佞者是雖聖人於書不敢廢放況它人乎聞讀不輒甚善甚善為學要當通知古今多識前言往行古人所謂畜其德也純仲氣質亦佳又得諸賢兄且夕磨切之所學當日進矣賢伯仲謹守

先訓未嘗一毫苟求人皆歸重先大夫於是乎有子政
宜益固所守豈可輒自菲薄邪然讀書一事却不可廢
學問無有窮尽用力愈久所得愈深慈湖中年以後却
肯讀書所以益大其器業也堆和仲勉之倡率諸賢弟
皆爲志于學則門戶有光矣惠貺韓家晚甚佳固有以
晚爲貴者惟人亦然嘗記陳止齋有詩云由來盛事歲
月晚 到備途肝膽健蓋取東漢書所謂大才晚成者
由此觀之吾和仲之襟期亦豈嫌於晚哉

右絜齋袁先生荅廣平舒先生子和仲書掇其要切
者如右昔子朱子有言子思教人之法以尊德性道

問學兩事為用力之要陸子靜所言專是尊德性繫
齊先生之學陸子之學也觀其尺牘皆勉學之要言
蓋尊德性實根本於問學未嘗失於一偏是亦朱子之
意也所謂但慕高遠不覽古今務為高論不在審
策者歲末俗之膏肓至深至切所謂古今多識前言
往行日課一經一史斯言也學者當紳書几銘畫誦
夜思尊所聞行所知可不勉歟至於因晚梅楊之醜
推之於大才晚成此格物之學一草一木之理必致
其極節或虧於晚學或倦於毫倪焉孳孳不知年數
之不足尤當以是自儆書不云乎汝丕惟商耆成人

宅心知訓嗟爾後進惟憲言時式沈潛乎經術貫穿
乎史籍外以致用內以崇德貴隱一原敬義俱立庶
正學之不墜尚前脩之可及

安晚鄭先生文集序

林希逸

隆古盛時明良並世其都俞廊廟之上大抵皆有道有
文之士也觀之書焉舜之禹臯陶伯益商之伊傅仲虺
周之周公名公盛德大業格于皇天而曰歌曰謨曰訓
曰誥凡于雲所謂渾渾灝灝噩噩者皆數君子為之也
吁何其盛哉歐公嘗曰文章事業士不兩能蓋非為斯
時發也漢唐輔相豈無其人然蕭曹丙魏房杜姚宋功

名著而不以文稱常平康薛常楊燕許詞藝勝而事無足錄論人物者每每遺恨於斯蓋三光五嶽之氣分矣獨我朝諸大老前手韓富馬呂後手張李二趙其人如泰山高嶽其文如黃鍾大呂紀諸旂常者駿閑垂之簡帙炳耀吾宋之懿所以上並帝王而諸公亦鍾天地之全美也求之近世則有如安晚先生丞相鄭公者焉公蚤游太學即有異声越從經邱以至大用高文大冊流布人間輔戴兩朝既極文章之用敷陳九陛無非仁義之言諫諍多焚藁存其畧乃若淵躍龍潛初繼大統兩宮同異監在治平公竭忠忱以裨聖學時有則甲申尊

親之書逆全驍張聲震江南廷議不齊類唐唯蔡公質
其決卒成聖功時則有紹定當國之書親事法宮乾綱
甫正公憂旁落力折機牙時則有政柄之疏和使往來
國是未一公條間悉迄如著龜時則有邊備之疏他如
如思敬二銘元吉十箴與夫祖訓四言發揮帝夢又宗
社之大討也功言共力不既偉乎而况端平改紀發良
去凶宇宙輝明姚美元祐中遭謫妬公身雖退而當時
諸賢迄無王呂之詞雖嘉淳而下局面委移賢否豈不
迭進而檢壬之去如弈弁髦豈非聖學高明黑白終定
講明輔導要有其先是非耳盤之力乎方公之再相也

韋以輔政無狀為謝穆林自指聖心曰丞相之功在此然則大人格君之業公實有之天下有所不知而先皇獨知之也文章又其餘事余嘗因是思之元豐末年燕詔置傳使酬神祖之言鼎湖龍御為世少延俾溫國輔贊其間得殫忠益異時紹述一語必無所投其姦則邪正紛紛亦不如是其酷也公之所學所遭頗與文正相類追傷往事益歎穆陵之聖而有感於公今公薨十有七年矣諸孫粹公遺文而出之以余受公異知俾為之引余思疇曩初登朝公留經幄特得從容侍筆研知公學窮古今出入經史胸中有所浩如也鐫鍊而出俄頃

千言形之聲歌興味尤遠豈常流所可及然且樂取諸
人叩擊不已一語中肯綮必賞味如自己出集思之益
容人之度益於是聚見焉因以併識于此

四明續志卷第十二

它山歌詩

唐僧元亮

它山堰堰在四明之鄞縣一條水出四明山晝夜長流
如白練連接大江通海水鹹潮宜到澤潭裏淡水雖多
無計停半邑人民田種費太和中王令清儉為官立
民政昨因祈禱入山行識得水源知利病棹舟直到溪
岩畔極目江山波瀾漫略呼父老問來由便設機謀造
其堰疊石橫鋪兩山背截斷寒潮積溪水灌溉民田萬
頃餘此謂齊天功不毀民間日用自不知年年豐稔因

阿誰山邊却立它神廟不為長官與一祠本是長官治
此水却將飲食祭閑鬼時人若解感此恩年年祭拜王
元暉

西湖十洲

劉琨

淺深艷冶一枝枝帶露臨風不自持水上紅雲真繚亂
多才却憶退之詩

花叢

春水池塘空冉冉長道道古道倍依依爭如綠向芳洲過
不怨王孫去未歸

芳草洲

江波隨堤千萬縷年年折尽最長條誰知烟雨汀洲晚

閑舞東風拂盡橋

柳汀

翠雲掣曳波心起清影扶疎月際來結實終期丹鳳至
虛心聊映小桃開

竹映

閑伴晚雲籠淺潁半如秋雨暮寒沙溶溶曳曳拖輕素
遮盡漁簑與釣槎

烟映

翠幄臨流結絳囊多情長伴菊花芳誰怜冷落清秋後
能把柔姿獨拒霜

美兼洲

金蕊寒香冒雨開清無俗格絕塵埃休嗟不及東籬下
也有幽人載酒來

美兼洲

衆葉亭前月滿洲雨餘風靜正中秋桂華冷射千尋碧
十頃湖光爛不收

月出

六出花輕巧剪裁
玉林玉砌映高臺
冰漸四面寒光合
疑有飛仙月下來

重訂

恥隨楊柳嬌春色
厭近芙蓉避暗香
直幹凌霜終偃蹇
頭為一柱壯明堂

松島

次韻

王巨

傳聞春入水邊枝
懊惱行人不暇持
任是杜陵歸較晚
也須排悶強裁詩

十步中間水四圍
不容紅紫亂相依
春風管取青青在
莫問愁人歸未歸

不似長安陌上柳
只將離恨寄長條
臨流繫得虹蜺住

留作憧憧兩岸橋

鳳集龍驤未是才
獨驚高節出雲來
此君端的吾家舊
爭得柴門相向開

離朱諦視也昏花
一匹青氈蓋白沙
咫尺漁舟看不得
凡夫何處覓仙槎

須信金行有智囊
會將春秋色賽香
芳清宵見白休相詎
多是潘郎鬢上霜

年年重九為人開
不染春風一點埃
湖上蕭騷如栗里
虛尊還待白衣來

夕陽盡處見滄洲
一片清光水國秋
應是玉真梳洗罷

菱花臺上不曾收

玉落風刁細細栽梁公宮裏舊池臺梁有宮遙道此地何人可除是冰膚駕鶴來

誰陪老碧到秋霜顏有黃花隔水香土淺波深難獨立可能移植向公堂

次韻

舒真

暖吹紅紫上青枝掠水風煙巧事持蜂蝶鷓鴣各芳意錦囊消得探春詩

小雨如酥露乍晞嶼花汀柳自相依畫橋不礙尋春屐誰傍烟波拾翠歸

困倚滄波綠動搖冷烟疎雨共蕭條誰將輕薄嬌春態
強拂人頭向市橋

欲問芎波安在哉端疑波底化龍來子猷此興君知否
小徑何妨卷竹開

看漠寒蘆不見花暗藏鷗鷺啄晴沙暖風吹起渾無定
半落僧窻半落槎

照水枝枝蜀錦囊年年澤國為誰芳朱顏自得西風意
不管千秋昨夜霜

懶對陶家酒甕開東籬寂寞久風埃會須結取登高客
折上龍山醉帽來

何人騎鶴上瀛洲清影明波正九秋吹罷玉笙端不見
滿空桂子有誰收

點柳拖梅不暇栽平波直擬涌瑤臺釣磯第岸知何許
幾誤漁舟夜半來

亭亭古幹對滄浪雨洗風飄老吹香晚歲何人同寂寞
水西我有讀書堂

次韻

陳瓘

紅紫商量欲滿枝探春觴豆好携持便須載酒凌波去
庶事黃堂獨賦詩

綠色映波千古恨至今南浦兩依依我今又至江東去

多少行人宦來歸

密幹參差籠月影輕波蕩漾醺烟條暑天要此清涼地
欲往何辭度小橋

霜姿迥出紅塵外只有鷓鴣傍水來別岸若尋栖隱處
軒窓須為此君開

霽霽紛紛綠底事故來波上罩層沙莫教散入滄溟去
却恐能迷上漢槎

紅雲可覓無蜂去渺渺寒波映晚芳未必孤根能耐雪
且看秋艷已經霜

光景不啻人易老恨無羽翼出塵埃世間那有飛昇藥

且傍汀洲採菊來

月明偏照海邊洲
綠水迴環漾素秋
斗轉參橫群動息
桂花零落遣誰收

誰把平原水上開
生看飛絮撲瓊臺
酒豪耳熱笙歌沸
應恠幽人此地來

影參差
栢童童
綠葉蔽汀蘭
澹澹香斤芥
不來人迹遠
養成千尺勢
堂堂

起然亭戲作

晁景迂

終日一杯終日醉
看潮初上看潮回
自疑前世陶貞白
乘興閑遊鄮縣來

江上獨坐

少年曾識京華樂老得江山懷抱開風月不談辜此夕
恨隨潮去與潮回

江亭晚望

秋色日駸駸江亭敞有陰殘霞沈浦口新月出波心

思四明所居

今朝旅恨到何處軒窓直到挑華渡挑華渡上風吹雨

道人芒屨誰來去

又和蔡天啓詩云玉事無日彈珣柱金馬何人賞木犀秋月有感詩云白

蟹青蝦
角水泉

題翠光亭

舒直

四山烟雨收雙沼漾晴碧白鳥忽飛來點破簷前色

題雲湖度安院

門前屏障遠潺湲付與林僧夜定還松蓋作雲連十里
竹龍行雨出千山白公春火蓮紅後謝氏池塘草碧間
我亦鳳凰池上客高閑却笑未能閑

謝定水僧送蒸木犀香四絕

楊萬里

春得鄞江信香從定水來今年有奇事正月木犀開
萬杵黃金屑九蒸碧梧骨詩老坐虛窓天香未月窟
山童不解事着火太酷熱要輸不尽香急喚薄銀藥
誰言定水禪入定似枯木飛入廣寒宮收得香萬斛

晁景迂大觀庚寅冬為四明船塢後七十有餘
年某適以倉氏之職至此間而王兄季和亦來
作景迂官相與訪問舊迹故傳尚猶可攷偶成
數語簡季和因呈叔晦

呂祖儉

鄞川舊有船司空小亭晚望江之東

景迂有江亭晚望詩

父老猶

能理前話無錢無木大無功

時有謂使來船事景迂對以此語云有

錢則有木有木則有船既無錢則無木既無木則自然不能造船使語塞而去

十載水仙木犀徒自紅

景迂有思四明水仙詩及如吾

天啓四明瑤柱木犀之句

昨夜看司空集元符上書入邪中歲月蹉跎今幾許俯

仰一身隨轉蓬自爾怕道四明守詎有律呂為始終曷

仰一身隨轉蓬自爾怕道四明守詎有律呂為始終曷

玄後譜此時有又得剛說來發蒙

景迂說云今年始見剛說明州令人下竟

意氣

自倍魯人獵較亦獵較復使妙句追飛鴻竭來海頭四

閱月塵埃滿袖生穰穰平生執鞭所欣慕追尋故蹟得

數弓超然之名猶可想

後超然之名猶矣相傳左江之游後超然其名而非復故處矣

海氣微茫日未曛越中豈是好事別乘皆賢心已恍

場官繾綣負我文欲求卜等祠此翁大書特書景迂號

庶幾遺蹟常清通簿書期會目前耳此意當令齊洛嵩

豐公室外草茫茫了齋却掃耳若聾當時二士相游從

夜闌太息非為躬年運而往將溟濛後輩風

薄村微宦猶未工尸祝越俎自忉忉誰誰尚遺像冥學

宮時興儒先相磨礱却歸金華守吾宗端坐不出固其窮

慈溪龍虎軒偶成

龍蟠虎踞秣陵城甬上蒼官亦強名獨占高峰傲千古
夜深月照落潮聲

老松偃蹇卧江濱風月煙雲寄此身不羨參天二千尺
低徊欲對小峨岷

仙都石筍似天成鳧水松龍是弟兄走徧遊人興行客
未知誰可寄深情

蒼然莫色已崢嶸姑射山頭臥玉鯨墨客強生龍虎想
我來猶自怯威名

尚書風節映鄞川人物蕭然又幾年世路逶迤雖已拙
軒前龍虎尚依然

年來世路轉蹉跎正大中庸論愈多出本無心歸亦
好何須鬻次自干戈

泛舟至竹洲

和梅所居

湖光拍天浮竹舟隱然一面城之幽中有高士披素袞
我欲從之恐淹留探囊百金辦扁舟又煩我友著意修
微風一動生波頭飛棹來往倦則休兀兀坐曹如繫囚
吏餘只有萬斛愁一生安坐無幾求今日棲遲如置郵
脫帽露頂固狂流俯首折腰亦可羞誓將入海登之罍

弃置人間繞指柔蒼然暮色下羊牛出處語默兩悠悠
九原可起柳柳州燕坐相與未始遊

它山堰

樓鑰

它山堰頭足奇觀百萬雷霆聲不斷誰把并州快剪刀
平剪波濤成兩段四明山深水源遠衆壑會溪長漫汗
滔天狂潦不少留瀉入長江勢奔竄賢哉唐家王長官
欲面求利輸長笑想得慘澹經營時下上山川鹿飽看
西偏千嶺相屬聯惟有茲山擁東岸遂於此地華橫埭
截取衆流心自斷斟酌利害不全取高下參差僅強半
水大七分入于江餘把三分入供溉灌支流瀟漫穿郡城

脈絡貫通平且緩旱時反此水亦足坐使千年亡旱暵
無窮廟祀報元功像設森嚴人敢玩梅梁天矯有冥助
大患于今尚能捍前輩所作多神靈日月真成赤心貫
後人小智或更易費盡工夫隨破散河堙盡浚謀不集
堤斷河傾流甚悍富民縮手人受殃仰望古人重興歎
老木號風波湛碧盡屏俯仰丹青煥更須積雨看驚湍
濡足塞裳何足憚去家不遠時一遊短艇垂綸流可亂
八月儻有仙槎來便欲乘之游天漢

贈王景賢路分

童顏未改髻先華小試戎韜已戌瓜
插架詩書吟不徹

累朝典故記無差一生供養母如佛半世清修僧在家
時節不容輕酌別片帆一舉遂天涯

史子仁碧江

相家小有四明山更葺桃源渺莽間四面樓臺相映發
一川煙水自彎環

中川紫石勢筌我城上遙岑聳翠螺舊說夕陽無限好
此中更得夕陽多

紀夢

鄭魯公

若冲

包括乾坤一環堵拍手千門揮薄黼編茅何事傍雲根
川觀嚴居天周子憶昔臥病歲壬午夢行澗石憇衡宇

寧充達菴表其門大楷金書爰仰觀吉符應已分行藏
二紀唐捐惜無補我生六年哀怙特三殤相繼泣同乳
隻影老蹤巢在幕孽孑孤臣氣如縷千金不忍坐垂堂
十稔詎能酬鞠撫六張五角具孤虛萬死一生逃險阻
矛頭浙未鋸頭炊耕常得晴則常雨菲末封有荆棘
鼠牙雀舌皆強禦意行足下起閔山夕計朝謀成齟齬
先時敗事後失機轉喉觸諱默招侮貧未富往見交情行
信言忠貽臯咎一本難令親者親四海何由兄弟普數
奇常愧李將軍五窮未嗟韓吏部人生美惡半乘除
我常一味無甘苦五十知非計已遲見機而作今猶愈

結廬茲境了前緣端居漫作溪山主
列壑攢峯無得山
疊嶺飛柯不暇拒一室凝塵號金拙
茶鐺酒壺編簡聚
草亭臨流倚夢溪觀罷魚游呼鶴舞
地饒松竹秀而駛
林生蘭蕙香頻吐
泉清洗耳何妨枕晴軒
奚背還堪俯
採蕨尋梅度梅嶺
去空翠非烟迎步武
秉堅策肥彼何人
藟杖枝筇自撐柱
人家燈火照籬落
山頭月色窺松戶
隨雲歸速度溪風
自喜此身輕一羽
意安不厭飯藜蔬
睡美那能候鍾鼓
少壯顏從鏡裏非
利名心向樽前甯
長因橫逆反忠仁
詎向艱深探城府
事變起滅真浮漚
身世行藏俱逆旅
玉堂茅舍一蘧廬
鵲起鵬搏各騰舉

繫觸戰爭兩端角雞蟲得失了無補只廢編編汗馬牛
賢愚泯泯垓塵土長嘯勿碍天地躬游思還從竹素園
要知歲晏日斜時此心只與虛空侶一觴一詠姑自娛
斷不傷今更思古力命悠悠詎足論浸迷平生記軒廬
可齊陳大卿政成之暇蒐討河渠為鄉國長久
慮開萬世利非召侯其誰屬因效一得以廣盛
心焉

鄭清之

四明瀛海壖大田沃多稼三江納行潦九穀偏畏夏水
治宜講行時哉及閒暇方當暑如快孰謂晴可乍十雨
非所憂一暴良已怕東有錢湖浸寒玉渺無價西有它

山源盈科通晝夜維此兩支邑厥田俱下下問之何因
爾水道無所舍河伯空望洋旱魃巧乘罅緬思井田規
畝澮分淑以培後黨高深怒潮敢雄踣官但督賦輿誰
肯趨田駕六輔能即功百泉豈難壩願言均此施利澤
埤迨化尽復淮南陂端可濟杜亞

再用韻

孔明本躬耕樊遲請學稼力田乃有秋暑雨敢咨夏聖
賢每憂民孔墨不皇暇因思比歲饑可謂越俗下豈惟
農夫驚亦使達官怕倉無矯制發米湧在東價居然望
豐年譬彼求時夜晝壤耒福屋上熟墜中下二麥賸割

雲五萊紛繞舍首根舒蓬本泰峯折榴鱗鱗原鏤睦
燕尾水分泚毳猷將西成秧馬豈虛跨劬農收奇勲省
歛不更駕豫為鄣鄉謀復廣它山壩功比昔賢倍政隨
時雨化頌刻可齎詩端與雅頌亞

題東山上方

謝公雅志在東山一入黃扉不復還公去我來山屬我
為公償却半生閑

湖上口占

賣詩千艘底應藏媧天濯熱卧湖光山雲玩雨猶相逢
水草無花亦自花香野徑偏穿人借問僧茶旋點客先嘗

牽翽思舉世趨炎者誰識蘋風五月涼

登鎮海樓

吳潛

鄮山深處古明州新有江南客倚樓
鳳闕天連便望日
蛟門海晏不驚秋
頭顱已迫殘年景
身口聊為卒歲謀
蕭颯西風吹敗葉
滿眶清淚自難收

聞同官會碧沚用出郊韻

碧沚堂前撒水官
只應喚作玉壺看
頗聞秩秩玳筵展
莫遣匆匆銀燭殘
酒付別觴寧怕窄
詩由廣舌不憂乾
老夫孤坐三更月
欲往從之良獨難

又

萬頃蟾光浩不收
花汀竹嶼思悠悠
黃公所歷知何地
賀監宜歸出乞此洲
夜良最佳惟午夜
今秋偏好是中秋
舉杯酒露月同吸
仰面青天可問不

卽農翠山賦唐律二首

小隊旌旗上翠巖
松風十里鎖禪關
水淨水淺高低潤
春淡春濃遠近山
鄉思猛隨蒼鳥去
客心暫與白雲閑
天公已是多情殺
特把淋頭雨放慳

又

老守憂民若己傷
三回奉詔勸耕桑
周家綿遠農開國
漢室興隆穀腐倉
麥綠少地鋤山種
水怕多流築石防

田里熙熙如樂土更祈四表共平康

鄉舉鹿鳴勸駕

戊午歲郡人程立為舉首

上苑春光已探來諸公逸駕莫遲回
點頭定有文鷲坐燒尾何妨酒吸杯
自是功名難辭避須知氣節要壅培
老夫親手傳衣鉢來歲圖經用再開